



Oushtaniwan il i pat danwzhee pi shasheepishiwawn Kenadaw

Pawshkishikaywina pi li piblik kenawayihtawkooshiwin: Nakatouhkawtamouwin si risk

Kiya chin li dawnzhee pikou awiyek kaw-kawschitinahk pawshkishikaywina – keema ji taynket ouschi kaykwuy chikée itoutamaen avek pawshkishikaywina kaw-kawschitinamaen? Aykwawnihi oohin nawashoonikaywina chi-pishkayimishouyin pi kootakak.

Shaywaypichikaywin 9-1-1

Tapitow shaywaypitik 9-1-1 keema mouhchi outa toon li polis mayipayiwin li noombr ishpee mayipayiwin. Li polis chikée ahtashtawak awiyek sa pawshkishikaywina, pawshkishikaywin li lisawn, keema lee feeze keeshpin tawpwayistamwak ashtayw si risk ishi pikou awiyek sa kenawayihtawkooshiwin. Li polis chikée meena natoutem ishi mouhchi outa li koor poor nakinamawkaywin li zord chi-nakinihk awiyek kaw-kawschitina pawshkishikaywina keema lee feeze poor ishohk saenk awn awn ishpee chikée li dawnzee ishi wiyawow keema kootakak chikée li dawnzee ishi wiyawow keema kootakak. Keeshpin tawpway, awa pawshkishikaywin tipayischikayw chikée weestamowaw pi chikée ayow akouta poor paystamouwin.

Keeshpin kiya keema awiyek kaw-kishkayimit machitayistem nipahishouwin
keema la pat shawns, kaw-kee-meena shaywaypichikawn keema weehtamawkay
9-8-8, poor shaytoushkakaywin. Ooma 9-8-8: Nipahishouwin Mayipayiw
Shaywaypichikaywin ihtakwan lout bor Kenadaw, toul tawn, tou lee zhour en awn:
<https://988.ca/> (<https://988.ca/fr>)

“Awn dawnzhee” lee lway

Kiya keema awiyek kaw-peekishkwaystamakayw chikee natoutem mouhchi outa
daw li koor poor mayipayiw nakinamawkaywin li zord chi-nakinihk awiyek kaw-
kawschitina pawshkishikaywina keema lee feeze poor ishkouhk payyek en mwawn
ishpee aykwawnima chikee li dawnzee ishi wiyawow keema kootaka .

Kaw-kee-meena natoutaen poor mayipayiw nakinikawtaywina ouschi
kawschitinamouw li zord. Ooma ashtaniwan shihkimiwaywina ouschi li moond sa
tipayhchikaywin keema awpachistawin pawshkishikaywina keema lee feeze poor
ishkouhk payyek en mwawn. Oohin shihkimiwaywina chi-weechistow kaw-nakinihk
awiyek kaw-kawschitina aykwawnihi keeshpin nakinamawkaywin namou chi-
kawschitina. Yahkouhtaywina chikee outinikawtaywa chi-natamoushtawkayhk toon
nishtawinikawshoowin maykwawt ooma paminikaywin.

Chi-natamoushtawkayhk aykwawniki kaw-takoowak natoutamawin poor
mayipayiw nakinamawkaywin li zord, awa en parsonn kaw-outishkawishkam
natoutamin aykwawnima namou kishkayistamouhaw pi namou takoo daw
paystamouwina. Keeshpin payyek ouschi oohin shihkimiwaywina
pakitayistamouwawn, awa li zheus chikee itashiwayw kootak en zhournee poor
kinwaysheesh li zord.

Poor ayiwawk weehstamakaywin, keewkay Li piblik Kenawayihtawkooshiwin sa achimoushtawkaywin daw li computer

<https://www.canada.ca/red-flag-laws> (<https://canada.ca/lois-drapeaux-rouges>)

keema kawschitinik mouhchi outa li koor.

Pat dawnzhee kenawayistamouwin poor pawshkishikaywina tipayischikaywak

Kahkiyuw pawshkishikaywin tipayischikaywak pikou chi-kenawayistahkik sa pawshkishikaywina payehtak chi-nakinikawtayk en aksidawn, wanistawin, pi kimoutouwin. Ooma Aen zhawn'd Kenadaw Pawshkishikaywina Pimpayistawin maenkiw weestamakaywina ouschi payehtak pi pishkayimouwawn pawshkishikaywin kenawayistamouwin natawayistamouwina:

<https://rcmp.ca/en/firearms/firearms-safety-training-transport-and-storage>
(<https://grc.ca/fr/armes-feu/securite-formation-transport-et-entreposage-armes-feu>)

Keeshpin kaw-itaystamin kenawayihtawkooshiwin si risk ishi kiya pi kootakak, kaw-kee-achiyow kenawaistaen toon pawshkishikaywina avek kootak lisawnd pawshkishikaywina tipayischikayw keema la business. Awa en parsonn keema la business kaw-kenawayista oohin awpachischikana piko chikée lisawnd poor akoutowahk ouschi pawshkishikaywin pi ayow nahiyikouhk kenawayistamouwin poor aykwawnima.

Nakinamouwawn pi nakinamawkaywin pawshkishikaywina chikee pimoustatawn ishi achiyow kenawayistamouwin li plaes poor ooma itapatishiwin avek awtist ayiwawk yakhouhtaywina. Pikou chi-kawschitinamaen Pakitinikawshoowin chi-Pimoustatahk pi kenawayista akishouwin li provee avek pawshkishikaywina tapitow.

Poor ayiwawk weehstamakaywin keema chi-ripor kootak li troub

Poor ayiwawk weehstamakaywin keema chi-ripor kootak pawshkishikaywin-ouschiyawin li troub avek aykwawnihi ouschiyawin ishi kenawayistamouwin, pimoustatawin, awpachistawin, pi ayiwawk, kawschitinik Aen zhawn'd Kenadaw Pawshkishikaywina Pimpayistawin itay 1-800-731-4000 keema ishi daw li computer li mail itay cfp-pcaf@rcmp-grc.gc.ca.

Ooma kishkayistamihiwaywin didawn ooma vif weehstamakaywina aykwawnima pimoustatawn ishi (en Michif).

Ooma noukouhtawin meena ihtakwan daw li computer ishi kootaka li lawngaezh itay

<https://www.publicsafety.gc.ca/cnt/rsrscs/pblctns/rd-flg-ddrss-rsk/index-en.aspx>
(<https://www.securitepublique.gc.ca/cnt/rsrscs/pblctns/rd-flg-ddrss-rsk/index-fr.aspx>)

(poostashtaw en mwawn pi en awn) Cat. No. PS4-334/1-2025Crg-PDF

ISBN 978-0-660-98331-8